



文殊師利所說不思議佛境界經卷上：「爾時世尊問文殊師利菩薩言：『童子！諸佛境界，當於何求？』文殊師利菩薩言：『世尊！諸佛境界，當於一切眾生煩惱中求。所以者何？若正了知眾生煩惱，即是諸佛境界；此正了知眾生煩惱是佛境界。非是一切聲聞辟支佛所行之處。』眾生即佛，煩惱即菩提。菩薩了知菩提應於眾生煩惱中求，是以不畏生死。二乘法執未除，故急求涅槃解脫。」

文殊師利所說不思議佛境界經卷上：「世尊復語文殊師利菩薩言：『童子！無為是數不？』文殊師利菩薩言：『世尊！無為者，非是數法。世尊！若無為墮於數者，則是有為；非無為也。』佛言：『童子！一切聖人，得無為法，不有數耶？』文殊師利菩薩言：『世尊！非諸聖人，證於數法，已得出離諸數法故。』金剛經：『一切賢聖，皆以無為法而有差別。』曰賢聖，曰差別，是無為已墮於數矣。墮於數者，即是有為，蓋約用邊言，非約性邊言。故同經又云：『世尊！無為者是何境界？』佛言：『童子！無為者，非思量境界。』文殊師利菩薩言：『世尊！非思量境界者，是佛境界。何以故？非思量境界中，無有文字；無文字故，無所辯說，無所辯說故，絕諸言論；絕諸言論者，是佛境界也。』又曰：『佛境界者，非眼境界，非色境界，非耳境界，非聲境界，非鼻境界，非香境界，非舌境界，非味境界，非意境界，非法境界。無如是等差別境界，是乃名為諸佛境界。』則知有差別者，非佛境界。非無為也。

文殊師利所說不思議佛境界經卷上：「文殊師利菩薩言：『大德若菩薩示行於世，而不為世法所染。現同世間，不於諸法起見。雖為斷一切眾生煩惱，勤行精進，而入於法界，不見盡相。雖不住有為，亦不得無為。』

雖處生死，如遊園觀；本願未滿故，不求速證無上菩提。雖深和無我，而恒化眾生。雖觀諸法自息，猶如虛空，而勤修功德，淨佛國土。雖入於法界，見法平等，而為莊嚴佛身口意業故，不捨精進。若諸菩薩，具如是行，乃能行耳。』菩薩行之難能可貴如是，誠所謂出淤泥而不染者也。

文殊師利所說不思議佛境界經卷上：「文殊師利菩薩言：『大德！我今為欲諸眾生永出世間，說諸菩薩了達世法出離之行。』須菩提言：『大士！何者是世法？云何出離？』文殊師利菩薩言：『大德！世間法者，所謂五蘊，其五者何？謂色蘊、受蘊、想蘊、行蘊、識蘊。如是諸蘊；色如聚沫，受如浮泡，想如陽焰，行如芭蕉，識如幻化，是故此中無有世間法；亦無諸蘊及以如是言說名字。若得是解，心則不放；心若不放，則不染世法；若不染世法，即是出離世間法也。復次，大德！五蘊諸法，其性本空，性空，則無二；無二，則無我、我所。無我我所，則無所取著。無所取著者，即是出離法也。』不染世法，即是出離世間，故經云：佛法在世間，不離世間覺。此所謂覺；即覺世間一切法，皆同幻化故。然亦談何容易！此所以學佛之士，多如牛毛，而證道之人，終如麟角也。」

文殊師利所說不思議佛境界經卷上：「世尊！空以言說故有。貪瞋痴亦以言說故有。若無有空，則於貪瞋痴無由出離。以有空故，說離貪等諸煩惱耳。佛言：『童子！如是！如是！如汝所說。貪瞋痴等一切煩惱，莫不皆住於空之中。』文殊師利菩薩復白佛言：『世尊！若修行者，離貪瞋等而求於空，當知是人，未善修行，不得名為修行者。何以故？貪瞋痴等一切煩惱即空故。』空無自性，貪瞋痴亦無自性，故空與貪、瞋、痴，平等無二也。然眾生苟不明了空之意義，則貪、瞋、痴、無法出離。是知佛之說空，正為眾生離貪、瞋、痴一切煩惱而說耳。今人不解空義，竟誤認出家眾為投入空門者，真所謂失之毫釐，差之千里者也。」

文殊師利所說不思議佛境界經卷下：「一者、苦智遍知五蘊。二者、集智永斷諸愛。三者、滅智觀諸緣起，畢竟不生。四者、道智能證有為無為功德。』苦由集起，集由愛生，斷愛方能滅苦，此與基督教義以愛為出發點者，最大分野處。亦與二者間究竟非究竟分野處。」

佛說須賴經：『妄言者，先為自欺，次為欺天，亦為欺法，令身口鼻。言不見用，多被誹謗，心恆憔悴，天所不念。身色變。福德消。善名廢。失德本而生眾惡。寒善之路，自投邪冥，是為後世招致殃罪。』儒家亦以妄語為自欺欺天，且謂言忠信，行篤謹，雖蠻貊之邦行矣。言不忠信，行不篤謹，雖州里行乎哉。重然諸儒佛二家之所同。惟佛家將妄語列為五戒之一，視儒家為尤嚴謹。

如來莊嚴智慧光明入一切佛境界經卷下：「文殊師利，覺一切法空者，名為菩提。菩提者，名覺一切法空。空者，即是菩提。如是空、無相、無願、無作、無行、無依、無生、無處，覺如是法者，名為菩提。菩提者，名為修行正念。文殊師利言：『修行正念者，不取不捨，即名正念。』正念為八正道之一。不取不捨，乃中道義；以不取不捨為正念，是正念即中道也。金剛經云：『是法平等，無有高下，是名阿耨多羅三藐三菩提。』平等即中道義，是正念亦即阿耨多羅三藐三菩提也。」